

HBk euskararen normalkuntzarako foru araua berritzeko eskatuko du

Arabako egoera soziolinguistikoa asko aldatu dela uste dute

Duela 11 urte Arabako Foru Administrazioan euskararen erabilpenerako foru araua onartu zen, baina ordutik hona egoera asko aldatu dela uste du HBk. Bere iritziz, gizarteak euskararen normalkuntzarako urrats garrantzitsuak eman dituen arren, Foru Administrazioak ez du gauza handirik egin.

INIGO BIAIN / GASTEIZ

Herri Batasunako biltzarkide taldearen izenean Iñaki Usategik eta Iñaki Olalde atzo egin zuten prentsurrekoan adierazi zuteenez, aipatu alderdiak mozioa aurkeztuko du Arabako Foru Administrazioak euskararen normalkuntza prozesuan izan dezakeen partehartzea aztertze-ko. «Foru araua onartu zenetik 11 urte igaro dira, eta egoera soziolinguistikoa erabat aldatu da. Milaka arabarrek egindako ahaleginen ondorioz —ez da ahaztu behar euskararen ezagupena hirukoiztu egin dela eta gaur egun ia arabarren herenak euskaldun garela—, normalkuntza prozesuan aurrerapen garrantzitsuak izan dira gure lurraldean», Usategiren ustez. Hori dela eta, Foru Administrazioak aipatu hizkuntza normalkuntzari eman behar dion ekarpenaz go-



Usategik eta Olalde hiru puntu proposatu zituzten.

OLALDE

goeta sakona egiteko ordua iritsia dela uste dute HBkoek.

Herri Batasunako hizlariak instituzio foralaren inguruan nahiko jarrera kritikoa agertu bazuten ere, hau akordioa iristeko oztopo ez dela adierazi zuten, «guk nahi duguna arabarren esku tresna berri bat izatea baita, hau da, euskara». Horretarako HBk hiru puntu proposatu ditu: bate-tik, Foru Aldundiak euskararen inguruan izan duen ekimenaren diagnostikoa egitea, gizarteak egin dituen aurrerapausoak kontuan izanda; bestetik, Administrazio Foralak planteatu behar dituen lan ildoak definitu eta euskararen normalkuntzaren al-

de diharduten beste taldeekin izan daitekeen elkarlana sustraitu; eta, azkenik, eztabaida hau orain arte mugatu duten polarizazio politikoaren mugak alde batera uztea.

Herri Batasunako biltzarkide taldearen ustez, ezinbestekoa da normalizazioa lortzeko taldeen elkarlana bultzatzea, eta horretarako EAJ alderdiari jarrera argitzeko eskatu zioten prentsurrekoan: «Jakín nahiko genuke EAJ prest dagoen hizkuntza politikaren arloan jarrera eta bide berriak urratzeko, edo orain arte bezala beste alderdi batzuen atzerakoitasuna bultzatzen jarraituko duen».

Hasi dira dagoeneko UEUren Donostiako X. Jardunaldiak

DONOSTIA

Atzo arratseko zazpitan hasi zen Udako Euskal Unibertsitateak (UEU) urtero antolatzen dituen Donostiako Jardunaldien hamargarren edizioa. Aste osoan zehar, atzo hasi eta larunbata bitartean, hainbat gai jorratuko dira jardunaldi hauetan. Atzo, Kepa Altonaga UEUko zuzendariak sarrera ekitaldia egin eta gero, 'Euskal Herriko ingurune naturalak' gaiak luze eta zabal jardun zuen Zigor Arteaga biologoak.

Gaur, berriz, Jokin Apalategi Soziologian doktorearen txanda izango da: 'Mugimendu sozialak: balore produktzioa eta jokua aktore sozialen prozesu mentaletan' hitzaldia eskainiko du. Biharko gaiak ere badu mamirik, Udako Euskal Unibertsitateak Bagera taldearekin elkarlanean prestatutako ekitaldian Beñat Oihartzabal eta Miren Azkarate euskaltzainek eta Iñaki Irazabalbeitia Exonomastika Batzordeko kideak Euskaltzaindiaren azken batzar sonatua izango baitute hizpide. Oraindik

Leioako batzarraren oroitza-pena oso presente dagoela, 'Euskaltzaindiaren XIII. Bil-tzarra: ondorioak, arauak eta gomendioak' izango da hitzaldi honen izenburua, eta ziur euskaltzale ugariren arreta erakarriko duela.

Ostegunean, bestalde, 'Marrazki bizidunen erabil-pena multimedia alorrean' gaiaren inguruan egingo dute berba Asier Urkizu Informatika ikasleak eta Iñaki Morlan Informatikan lizentziatuak, oraintsu arte euskararentzako bazka debekatua izan den la-rean barneratuz.

Jardunaldion azken egunean 'Hizkuntz eskubideak Justizia-Administrazioan' izeneko hitzaldia eskainiko dute Iñigo Santxo Bizkaiko Abokatuen Bazkuneko eus-kara batzordekideak eta Xabi Iriondo Zuzenbidean lizen-tziatuak, gehiegi landu gabe dagoen gai bati helduz.

Hitzaldiak Camino kaleko liburutegiko Serapio Mugica aretoan izango dira, arratseko zazpi t'erdietan, biharkoa sal-bu; izan ere, hau Arrasate ka-leko Kutxaren aretoan izango da, arratseko zortzietan.


Eusko Ikaskuntzak eta Tolosako Udalak lankidetzarako hitzarmena sinatu dute

DONOSTIA

Tolosako Udalak eta Eusko Ikaskuntzak lankidetzarako hitzarmena sinatu zuten atzo hiri horretako Udaletxean. Jose Gurutxaga alkateak eta Gregorio Monreal Eusko Ikaskuntzako lehendakariak sinatu zuten hitzarmena. Hitzarmenaren helburua elkarteko ekoizpenari ahalik eta hedapenik zabalena eman eta, bitartean, Udalei zerbitzu garrantzitsu bat aurkeztea da.

Eusko Ikaskuntzak «Euskal Herriko Udalekin bideratu nahi lituzkeen harremanen lauki ego-ki bat prestatu du» eta dagoene-ko, Arrasate, Donostia, Zarautz eta Azpeitiakoak dira, Tolosa-koaz gain, akordioak sinatu di-tuzten azken Udalak Eusko Ika-skuntzak prentsa oharrean adie-razi duenez. Honetaz gain, Iru-ñeko Udalak ere Elkarteari bere laguntza ematea erabaki zuen duela gutxi.

Sinatu zutenaren arabera, El-karteak bere argitalpen bilduma eskainiko dio doan Udalari eta



Gregorio Monreal Eusko Ikaskuntzako lehendakaria

EDURNE KOCH

baita aurrerantzean argitaratuko diren liburuak ere. Udalak Eusko Ikaskuntzaren Kongresu eta jar-dunaldietara ordezkari bat bidali ahal izango du, inskripzioaren % 25eko beherapenarekin. El-karteak urtero Udalak nahi di-

tuen ekitaldi kulturalak antola-tzeko konprometua hartzen du, gainera, hortaz gain Udal gaien aholkulari izango delarik. Es-kaintza horren truke, Tolosako Udalak kuota bat ordainduko du 'Bazkide Ongile' gisa.

AZAROKO AIZU! KALEAN!

KARRA ELEJALDE:
"EUSKARAZ EZ JAKITEAK LOTSATU ETA
ERRUDUN SENTIARAZTEN NAU"



Eta ez ahaztu gure IDEARIPEZ
jolasa eskatzea!
600 pta. + posta gastuak

**EUSKARA
BARNETEGIAN
AURKITU NUEN**

**DINBI DANBA!
EHIZARI
BURUZKO
IRITZIAK**

aizu!ren harpideduna izan nahi dut!

Izen Abizenak.....
Helbidea.....Tnoa.....
Herria.....Herrialdea.....
Bankua.....
Sukurtsal zka.....
Kontu zka.....
Urte osorako harpidetza: Hego Euskal Herria, 4.000 pta. Ipar Euskal Herria, 250 libera. Atzerria, 5.000 pta.
Diputazio kalea, 3 - 1.goa - ezk. 48009 Bilbo. Tnoa. 94-423 15 52